



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrisani lokalni
razvoj i društvene djelatnosti**



Vogošća, ul. Jošanička br. 80, tel: 00387 33 586-414, fax: 586-471

Broj: 03-36-1993-1/25

Vogošća, 01.12.2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09), čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), i člana 5. Pravilnika o kriterijima, procedurama i načinu odabira i sufinansiranja projekata nevladinih organizacija po LOD metodologiji iz budžeta Općine Vogošća, broj: 03-36-1976/25. od 19.11.2025. godine, raspisuje:

**JAVNI POZIV
za sufinansiranje projekata nevladinih organizacija po LOD metodologiji
iz Budžeta Općine Vogošća za 2026. godinu**

I OPIS PROGRAMA

Ovaj program planiran je u okviru Strategije razvoja Općine Vogošća i to:

- Strateški cilj 2.- unaprijediti društveni život stanovništva stvaranjem uslova za društveno-ekonomski rast, dostupnost i visok kvalitete svih javnih servisa;

Cilj Javnog poziva je sufinansiranja projekata nevladinih organizacija koji doprinose javno korisnim programima i aktivnostima od značaja za Općinu, posebno onima koji:

- a) unapređuju kvalitet života građana;
- b) jačaju civilno društvo i društvenu koheziju;
- c) afirmišu kulturne, ekološke, edukativne, humanitarne i druge društveno korisne aktivnosti;
- d) promovišu inovativne modele lokalnog razvoja u skladu sa strateškim dokumentima Općine;
- e) doprinose uključivanju marginaliziranih grupa i promociju ljudskih prava;
- f) doprinose jačanju kapaciteta omladinskih organizacija i jačaju položaj mladih u lokalnoj zajednici.

Za realizaciju aktivnosti koje su predmet ovog Javnog poziva u Nacrtu Budžeta Općine Vogošća za 2026. godinu planira se iznos od 80.000,00 KM. Konačan iznos sredstava bit će utvrđen prilikom usvajanja Budžeta Općine Vogošća za 2026. godinu, te može biti predmet izmjena u odnosu na planirani iznos. Sredstva iz ovog Javnog poziva bit će operativna i raspoloživa korisnicima nakon usvajanja Budžeta Općine Vogošća za 2026. godinu, u skladu s odlukama nadležnih organa.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

II PRAVO NA DODJELU

Pravo podnošenja prijave imaju registrovana udruženja i fondacije koje:

- a) imaju sjedište ili aktivno djeluju na području Općine;
- b) nisu prekršile ranije ugovorne obaveze prema Općini;
- c) imaju registrovanu djelatnost koja je usklađena s ciljevima projekta;

- d) su registrovane najmanje godinu dana prije objave javnog poziva;
- e) uredno su dostavile izvještaje o utrošku sredstava iz prethodnih sufinansiranja (ako postoje);
- f) ne obavljaju aktivnosti u ime političkih stranaka niti su vjerske zajednice ili njihovi organi.

III NEPRIHVATLJIVI TROŠKOVI

Ovim Javnim pozivom se neće finansirati projekti udruženja koja:

- a) imaju nerealizirane obaveze iz ranijih ugovora s Općinom;
- b) predstavljaju jednokratne manifestacije bez dugoročnog efekta, osim ako su dio šireg projekta;
- c) predstavljaju redovne aktivnosti organizacije;
- d) uključuju investicije, adaptacije ili kupovinu opreme osim minimalne potrebne za realizaciju;
- e) imaju više od 20% troškova administracije;
- f) predstavljaju individualna sponzorstva i stipendije;
- g) imaju vjerske ili političke ciljeve;
- h) su usmjereni isključivo na dobit pojedinca;
- i) dodjeljuju sredstva trećoj strani.

IV IZNOS SREDSTAVA

Odobrena sredstva po aplikantu ne mogu biti manja od 3.000,00 KM niti veća od 17.000,00 KM.

Aplikant može tražiti ukupan iznos vrijednosti sredstava ili dio nedostajućih sredstava, što je dužan naznačiti u zahtjevu.

Sredstva se isplaćuju jednokratno ili u ratama, u skladu s dinamikom projekta i budžetskim mogućnostima.

V APLICIRANJE I NAČIN DODJELE SREDSTVA

Prijave se podnose putem protokola Općine, isključivo na propisanim obrascima i to:

- Aneks I – projektni prijedlog;
- Aneks II – pregled Budžeta;
- Aneks III - logički okvir rada;
- Aneks IV - plan aktivnosti i promocije;
- Administrativni podaci o aplikantu;
- Podatke o aplikantu i partnerima;
- Izjavu o podobnosti.
- Finansijska identifikaciona forma
- Lista za provjeru

Nevladine organizacije imaju pravo podnijeti najviše dvije aplikacije za kalendarsku godinu za koju apliciraju.

Projekte će ocjenjivati komisija imenovana od strane Općinskog načelnika. Komisija će brojati tri člana od kojih su dva državna službenika i jedan predstavnik nevladinih organizacija.

VI KRITERIJI ZA DODJELU SREDSTVA

Komisija boduje projekte prema sljedećim kriterijima:

- a) Finansijski i operativni kapacitet:
- b) Relevantnost:
- c) Metodologija:
- d) Održivost:
- e) Budžet i racionalnost troškova:

VII NAČIN BODOVANJA PROJEKATA

Svaki član Komisije dodjeljuje ocjenu od 1 do 5 za svaki kriterij. Konačna ocjena projekta predstavlja zbir svih bodova.

Kriteriji ocjenjivanja podijeljeni su na sekcije i podsekcije. Svaka podsekcija se obavezno ocjenjuje ocjenama od 1 do 5 na sljedeći način: 1 = veoma loše; 2 = loše; 3 = odgovarajuće; 4 = dobro; 5 = veoma dobro. Svaki član komisije potpisuje svoju individualnu tabelu za ocjenjivanje, a svi članovi zajedno potpisuju zbirnu tabelu za svaki projektni prijedlog. Rangiranje projektnih prijedloga vrši se na način da je prvoplasirani projektni prijedlog onaj koji ima najveći zbir bodova, zatim slijedi projekat s prvim sljedećim nižim zbirom bodova, i tako do najnižeg zbira osvojenih bodova.

Samo projekti koji su dobili više od 50 bodova bit će razmatrani za finansiranje, jer projektni prijedlozi ispod ovog praga nisu u stanju da zadovolje postavljene standarde pa bi efikasnost njihove provedbe mogla biti upitna. Kako bi bili uzeti u razmatranje za finansiranje, projekti čiji su zahtijevani budžeti veći od 15.000,00 KM treba da dobiju 75 i više bodova u procesu ocjenjivanja. Odluka o odobrenju granta zasnovana je na ukupnom broju projekata koji mogu biti finansirani u okviru raspoloživih sredstava. Ovi pragovi utvrđeni su kako bi se odredio najniži kvalitet projektnih prijedloga i time se osigurala najbolja vrijednost za data sredstva. Prioritet pri odobravanju sredstava imat će projekti s najvećim brojem bodova. Ukoliko je ukupan zbir u dijelu finansijski i administrativni kapaciteti niži od 10 bodova, projekat će biti isključen iz daljnjeg procesa ocjenjivanja jer je procijenjeno da OCD nema ni minimalne kapacitete za kvalitetnu provedbu predloženog projekta.

Projekti sa nepotpunom dokumentacijom ili bez ispunjenih općih uslova neće se razmatrati.

VII OBAVEZNA DOKUMENTACIJA UZ PROJEKTNII PRIJEDLOG

- rješenje o registraciji (ovjerena kopija),
- ID broj,
- dokaz o izmirenim poreskim obavezama,
- dokaz o izmirenim doprinosima (ili izjava da nema zaposlenih),
- završni godišnji finansijski izvještaj za prethodnu godinu (bilans stanja i bilans uspjeha),
- CV osoba angažovanih na projektu,
- drugi relevantni dokazi

VIII PREUZIMANJE DOKUMENTACIJE:

Dokumentacija za prijavu na Javni poziv se može preuzeti lično u Općini Vogošća, Služba za privredu, integrisani lokalni razvoj i društvene djelatnosti, kancelarija broj 71, ili na web stranci općine Vogošća www.vogosca.ba.

PREDAJA APLIKACIJA:


Ispunjena aplikacija (sa kompletnom potrebnom dokumentacijom) se mora dostaviti u štampanoj formi u zatvorenoj koverti na protokol Općine Vogošća u vremenu od 8 do 16 sati ili poštom na adresu Općina Vogošća, ul. Jošanička br. 80, 71320 Vogošća.

Aplikacije sa nepotpunom dokumentacijom i dostavljene izvan predviđenog roka neće biti razmatrani ni finansirane.

Rok za prijavu aplikacija je 28 dana od dana objavljivanja.

Vanjska strana koverta mora da sadrži naziv poziva za predaju prijedloga projekata, puno ime i adresu aplikanta, sa naznakom **“Ne otvarati prije zvaničnog otvaranja”**.

Sve dodatne informacije, korisnici mogu dobiti na telefon 033 586 414, ili putem maila emir.dragolj@vogosca.ba.


OPĆINSKI NAČELNIKA
Migdad Hasanović
Hasanović